



• EDITORIAL • RÂL VÊNGTU • CHHÛNGKAW CHANCHIN

- » Pastor, Pro. Pastor dah nghehna leh Bial thar hawn
- » Krismas leh Kumthar Prison Ministry Report
- » Revival Committee hmachhawp

RNI 68092/83 Regn. No. N.E. 1024
 From
 Synod Literature & Publication Board
 Synod Office, Aizawl - 796 001
 Mizoram. Phone: 0389-2324590

SYNOD *Newsletter*

Volume XXXI

No. 400

E-mail: synodnews@gmail.com

JANUARY, 2017

LÂWRKHAWM

Synod Moderator

KUM THAR THUCHAH



Rev. Lalzuihanga

SYNOD MODERATOR THARIN BANGLA A LUAH TA

PCI, Mizoram Synod Moderator thar Rev. Lalzuihanga chuan January 10, 2017 khân Moderator Bangla a luah tan. Hemi ni vèk hian Moderator kal chhuak Rev. H. Lalrinmawia chu pension-a a chhuah avângin a inben belna tûr Durtlâng North-ah a insuan chho ta bawk.

BIBLE DAHNA TÛR NGAIH TUAH

December 6, 2016 khân Upper Khatla Bible House zâwn kawngpui a khi a, a khik nasat ták zêl avângin Bible Society of India (BSI), Aizawl Auxiliary chuan inthiar chhuah a ngaih thulha Bible dahna ngaihtuhsak tûrin PCI, Mizoram Synod an ngên a. Synod OM/Trust Office lam chuan Bible dahna tûr hi an ngaihtuhsak dawn.

PCI EXECUTIVE COMMITTEE

Kum tina hun ruat sa zuiin Presbyterian Church of India (PCI) Executive Committee chu January 17-20 chhûng hian Silchar-ah an thu a; thu ngaihtuah langsar deuchte chu - Mizoram Synod Mission Board hnuai a mi Tripura Presbyterian Provisional Synod hawn dân tûr te, Meitei Singlup Presbyterian Church Provisional Synod, Synod puitlinga hlân kai dân tûr te, PCI Dan Bu chhut nawn leh a pum puia en nawn (Comprehensive Revision) kalpui dân tûr te a tel.

PES SUPERVISOR THAR

Presbyterian English School Supervisor thar Pu PC Vanlalhruaia (Headmaster, RM High School, Karimganj thin) chuan PES Supervisor hna a rawm zawm ta. Ani hian pension-a chhuak Upa DP Biakkhuma a thlâk a ni.

WOMEN CENTRE-A PUAN THUI ZIR (2nd BATCH) HLANNA

January 11, 2017 chawhnu dâr 1:00 khân Women Centre-a puanthui zir Second Batch-te Pathian hnêna hlanna hun Pastor Vanroluaha'n hlanna a hmang. Women Centre-a puanthui zir hi kum 2016 khân First Batch tan a ni a, mi 37 ten thiam taka zirin December 16, 2016 khân an lo chhuak tawh a. A zir hun chung hi thla 6 zêl tûr a ni.

A hmasain taima taka he chanchinbu enkawltute leh chhiartu zawng zawngte, kum thar lâwmawm tak lo thlengah hian taksa leh thlarau lam malsâwmna thar chang theuh tûrin duhsakna ka hlân a che u.

Kumin 2017-ah hian Kohhran Enkawlna (Pastoral Ministry)-a Thupuia hman tûra Synod-in a tih chu 'Pathian leh Kohhran tâna rinawm' tih a ni a. Kan hmaa mi huai tam tak kal tawhten Kohhran Inkhâwmpui leh Kohhran Committee thu chu Pathian aw nia an ngaih hun lai khân kohhran a chak a, sual thiltitheihna hnehin a awm a; kohhran mite pawh 'Pathian thu awih' tia hriat an ni mai a, an Pathian thu hriat chu la tlêm hle mah se, an nunah Pathian thu ang zêla nun tum tlatna an neih avângin kohhran chauh ni lovin khawtlâng nun a nuam êm êm thin a nih kha.

Kum kal ta leh a hma lam hret han thlîr kîrin kan ramah kohhran mite tich-ai thei insawi thaihna thu lêng vèl avângin mi thenkhatin himna kulhpui - Kohhran an chhuahsan a, himna tuantling ni hauh si lo, mahni ngaihtatna lamah chak takin ke an pên tih hriat hian rilru a na duh hle. Kawng bo laklawh tawh chu an kal chaka an kal thui poh leh an bo thûk tial tial thin ang hian Krista taksa - Kohhranho inthiar fihlmsana mahni tuina lam kawng zawhtute pawh hi an bo thûk telh telh dawn tih a Chiang a, thui tak an kal hmaa inngaihtuah harha kohhrana kîr leh tûrin ka sâwm a ni. Kohhran Committee leh Inkhâwmpui thu aia tu tute emaw thu sawi âwihawm zâwka ngaia Kohhran chhuahsan an lo awm tawh thin. Keini hunah mai pawh hmingherma sawi tûr kan hre nual hlawn ang. Chhûng mite chu chhuan khat lekah pawh "A ti fuh mang e," tih tûr kan hria em? Krista taksa - Kohhran thu enga maha ngai si lova Pathian thu âwih tum hi thil inrem thei hauh lo a ni.

Kohhran pàwl bik kan sawi lo, Pathian thutaka inkaihhruaina fel tak nei, naupan lai atanga awmze nei taka inzirtîrna kalpui kohhrana mi a awm loh chuan a mi mal nun leh chhûngkaw nunin tawrh chin a nei ngei ngei thin a, chu chuan khawtlâng nun pawh a chhe zâwngin a nghawng tel thin. Chuvângin, zirtîrna danglam deuh, intihthaihna nêna chawhpawlha tawngkam thiam taka tlângaupui

thînte dang nâla tua kohhran huang pâwna awm zawng zawngten kawng dik an zawh leh thuai hi ka duhsak tak meuh a ni.

Kum kal liam ta, kum hnih chhûng khân Pastoral Ministry Thupuia 'Thu âwihna' tih kan hmang a; hei hi kohhran miten i vawng reng ang u. Thu âwihna tel lo chuan chhûngkaw rorêl pawh a buai a, chutiang bawkin pàwl tinah thu inâwih tawna hi min thui khâwmtu a ni. Thu âwihna tel lo chuan kohhran kal dân pawh a fuh tak tak thei lo va; inkhâwmpui rorêl kan âwih dial dial hian kohhran kal zêl tûr tân rahbi nuam tak kan tuk a ni tih hi kan hriat reng a pawimawh. Kan zui Lal Isua hi 'thi khawp hiala a Pa thu zâwm' a ni tih kan hre reng tûr a ni (Phil 2:8). Kan chan thatna tûr a nih loh vâng emaw, kan ngaih dân leh duh dân tihpuitlinna tûr lam a nih loh vâng mai emawa Kohhran Inkhâwmpui thu kan awih lo a nih chuan Tirkoh Peteran a hniaka kan zuina tûra entawn tûr min hnutchhiah nia a sawi kan hlamchhiah a ni thei hial ang (1 Pet 2:21).

Kan ram mipui sùkthlêk han en hian khawvêl sum leh pai, bungrua leh inhai vurna thil (material) hi thil dang zawng aiin kan dah chungnung mai ang tih a hlauhawm ta hle mai bawk. Hêng thilah hian mi a inngaha a inham buai viau chuan nun buai, nun awhawm lo lamah a tâl lût hma êm êm. Pathian ringin, Krista taksa - Kohhran hi bêl tlat ila, kan Pathian thuin, "I awm dân tûr chu LALPA chungah ngat la, amah chung ring la, ama'n a ti vek ang," (Sam 37:5) a tih te hi he kum tharah hian kan nun kaihhruaina thu lo ni se. Kan rilru put hmang pawh, Pathian thuin, "Nghet takin, tihchêt rual lohvin, LALPA hna thahnemngai taka thawk fovin awm rawh u, in thawh rimna chu Lalpaah chuan a thlâwn ngai lo tih in hre si a," (1 Kor 15:58) a tih angin, Lalpa rawngbâwlna rilru tinghet lo leh tikhawbaw thei lakah kan rilru leh ngaihtuahna vêng thain Pathian ram zauna leh dân nghehna thupuia neihin rawng i bawl ang u.

SYNOD Newsletter

EDITORIAL STAFF

Rev. Dr. C. Chawngmingliana
 Rev. PC Pachhûnga
 Upa H. Ronghâka
 Rev. R. Laldinthara

Editorial

HUN INHER LEH MIHRING NUN

Mi tin hi hun hnuai leng kan nih vek avângin hun inher hian eng tin emaw tak chuan min khawih theuh mai a, hun neih inang rau rauvah a hmang tângkai leh hmang tângkai lo kan inthlah dân pawh tu min hrilh mah kan ngai awm lo ve. Kum a lo thar châng te, mahni tâna hun pawimawh bik a inher chhuah châng te hian t henkhat chuan nun dân tsa lo bânšana nun kawng tsa zâwk zawh tan nân an hmang a, chûng mite chuan hun inher chu hlâwk takin an hmang thîn a ni.

Mi tam zâwk erawh chuan hun thar inher chhuak pawh hi eng vakah kan ngai lêm lo va, kan hmang liam satliah mai a, upat sawt sawt bák chu hun inher vênin kan nunah awmzia tak tak a nei lo emaw tih tûr a ni. Kum a lo thar châng te, mahni pual bika hun thar – pian champhaphâk te, inneih champhaphâk te leh pawimawhna nei hun dang a lo thlen châng te hian nun dân tsa lo leh thil chîn tsa lo paiha, thatpui zâwk tûr leh hlâwkpuoi zâwk tûr te, hmasâwnna eng emaw tak thlen tûr ngeia kan rin chîn thar hunah te hmang thîn ila, hun inher hi kan nunin a tângkaipui dân a ni.

CALVIN SEMINAR ON KOHHRAN LEH RAM RORÊLNA

Aizawl Theological College (ATC)-a Calvin Study Centre bul tumin March 18, 2017 (Inrinni) khian nilêngin Vaivakâwn Kohhranah John Calvin-a zirtirna chungchâng zir ho a ni dân a, tûn tumah hian John Calvin-a'n Kohhran leh ram rorêlna chungchâng a zirtir dân zir ho tûr a ni ang a, Aizawl khawpui chhim lam leh thlang lam pual deuh tûr ruahman a ni a, kohhran tin aţangin mi pathum zêl kal tûr beisei an ni.

Pathian Lehkha Thu zawng zawng hi Pathian thâwk khuma pêk a ni a, zirtir kawngah te, thiam loh chantir kawngah te, zilh kawngah te, felna zirtir kawngah te a sawt baw a ni.

II Timothea 3:16

www.mizoramynod.org

PASTOR, PRO. PASTOR DAH NGHEHNA LEH BIAL THAR HAWN

Kum 2016 Synod Inkhâwmpuiin Minister leh Probationary Pastor a tawh chêt zînga Pastor Biala awm tûr tih mi 94-te, an awmna tûr dah nghehna chu Synod Officers' Meeting (OM) ruahman angin January 15, 2017 (Pathianni) hian hman a ni. Kuminah hian Mizoram chhûngah Pastor Bial thar hawn tûr tih a awm lo va; Ramthar Field hrang hranga Bial hawn tûr tih te pawh January 15, 2017 hian Field Secretary-ten anmahni Field chhûng theuhva Bial thar an hawng baw. Hetiang hian:-

Sl. No.	Bial hming	Hawngtu
1.	Jonai (Arunachal North)	Rev. Lalhmuchhuaka, F/S, Arunachal North
2.	Kharagpur (Kolkata)	Rev. Zochhuanmawia, F/S, Kolkata
3.	Kaisanari (Barak Area)	Rev. Z.D. Lalhmachhuana, A/S, Barak Area
4.	Adaponka (Odisha)	Rev. Lalramdinthara Colney, F/S, Odisha

BIAL HMUI NGAI HMUITU TÛRTE

Kum 2016 Synod Inkhâwmpuiin Bial vawng tûr a dah, an zir lai laklawh avânga an awmna tûr Biala la awm thei rih lote chu, January – April, 2017 chhûnga an Bial vawn tûr lo hmui tûrin OM chuan hetiang hian a ruat:-

Sl. No.	Bial hming	Hmuitu
1.	Rawpuichhip Bial	Rev. P.C. Lalrinchhuanga, Lêngpui
2.	Vânzau Bial	Rev. Lalhunliana Royte, Khawbung
3.	Tuidam Bial	Rev. Lalduhawma, Kawrtethawveng
4.	Kêlkâng Bial	Rev. H. Lalnunmawia, Ruantlâng
5.	Keitum Bial	Rev. Malsâwmtluanga, Bûngtlâng

MISSIONARY THAR 50

Synod Service Board (SSB) chuan kum 2017 January thla aţanga Synod Mission Board hnuai thawk tan tûrin Missionary 50 (Contract Basis-a thawk tûr) a la thar. Hêng Missionary lâk tharte hian an hna thawhna hmun an pan hmain an hna atâna hriat tûr thil chi hrang hrang zir lâwkna (orientation) chu January 10 – February 3, 2017 chhûngin Mission Vêng Kohhran Hall-ah an nei ang. Missionary lâk tharte thlahna hun hi February 5, 2017 (Pathianni) chawhnu khian Electric Vêng Kohhran Biak Inah hman tûr ruahman a ni baw. Missionary lâk tharte chu hêng mite hi an ni:-

I. Evangelist Teacher

Sl. No.	Hming	Pa hming	Address
1.	Lalrintluanga Rivung	Sânghmingthanga Rivung	Sateêk
2.	C. Rosangpuoi	Lalêngi	Bâwngkâwn East
3.	R. Lalramzauvi	R. Lalchhanhima	Vairengtê Vênglun
4.	S.T. Nghaki	Lalsangzuali	Khatla East
5.	Lalhriatzuali	Lalchhuanawma (L)	Chhînga Vêng
6.	Lalrinchhana Fanchun	Vânbika	Luangmual Vêng
7.	C. Lalrindika	C. Lalhmunmawia	Durtlâng, Leitan

II. Medical

1.	K. Lalnilâwmawmi	K. Lalramhuala	Bethlehem Vêngthlang
2.	K.C. Malsâwmtluangi	Thangchhûnga	Sawlung
3.	Lalrinsiami	Upa Thandailova	Hualngohmun
4.	H. Lalmuanchhani	H. Lalhmangaiha	Zuangtui, Aizawl
5.	Elizabeth Lalnunhlimi	Rev. Lalramliana	Luangmual West
6.	H. Lalhmingchhuani	H.L. Vânmawia	Maubâwk, Sikul Vêng

III. Craft Teacher

1.	Lalhmagaihthangi	Lalhmingmawia	Biata
2.	Vânlalsiami	L.C. Rothianga (L)	Sihphir
3.	H.D. Vânlalhmagaihi	Lalbiaktluanga (L)	Tuikual
4.	Christy Vânlallâwmi	Lalawmpuia (L)	Bethlehem

Phêk 3-naah chhunzawm a ni...

Râl Vêngtu

Râl Vêngtu chu a vên bûk aţanga lo chhuakin, "Thim Tirhko, Thim Tirhko," tiin a au vak vak mai a. Mipui an râlkhêl viau mai a, a awmnaah chuan nu leh pa eng emaw zât an han tlan khawm a.

Mite chuan, "Râl Vêngtu, eng nge hmuh i nei em ni, khatia i au vak vak mai?" tiin an zâwt a. Râl Vêngtu chuan, "Hmuh nei han tih lêmah, tûnlai hian 'Thim' chungchâng hian mi tam tak a tibuai a, êng thu sawi ngai mang tawh lo, thim ringawt âtchihl emaw tih mai tûr, thim thuah hnih, thuah thum... thuah sarh tih vèl tuipui êm êm, chutiang bâk sawi tûr hre lo emaw tih mai tûr pawh an awm a, chûngte chu 'Thim Tirhko' ka'n tih maite chu an ni.

"Chanchin Tha tuipui bera neih chuan Chanchin Tha an sawi tam ber a, chûngte chu 'Chanchin Tha Tirhko' an ni mai a, thim tuipua nasa taka sawi chiam chiamho hi kei chuan an nihna sawi dân dang vak awm theiin ka hre lo va, 'Thim Tirhko' tiin ka vuah mai a ni. Hêngho thu in dawnsawn chuan an rin thua thim chungchâng an sawi chiam chiam bâk eng teh vak mah puak chhuah tûr in nei lo vang. Chuvângin hêng mite hi khawpui mite tichi-aia kawng him lova hruai pên tum mai an ni tih hi in hriat loh ka duh lo ve," a ti a. Mite chuan 'a ni dân teh tak e a,' ti rilru chungin an tinsan leh ta a.

SUNDAY SCHOOL KAI KIM REI

Pu Hmangaihla (78), Zawnuam chu kum 2016 chhûng khân Sunday School kai kim leh, heti hian bahlah awm miah lovin kum 50 chhûng (1967-2016) Sunday School a kai kim niin thu kan dawng a, a ropui danglam khawp mai! MSSU chuan kum 10 chhûng Sunday School kai kim zâwnte hnênah chawimawina, 'Pi Zaii Medal' a pe a, kum 15 chhûng Sunday School kai kim zâwnte hnênah 'Pi Zaii Medal Special' a pe tîn a, tangkapui leh certificate pèk an ni. Kum 50 chhûng a zâwna kai kim hi sawi tûr dang an awm kher awm lo ve.

SYNOD HOSPITAL, DURTLÂNG NOVEMBER, 2016 CHHÛNGA THILPÊK DAWNTE

I. CHARITY FUND

1. Buhân Kohran Hmeichhia	₹	3,000
2. Pu Laldanglova, Durtlâng Mèl - 5	₹	1,000
3. Pu Rosawmliana Vârtê, Durtlâng Leitau	₹	1,000
4. West Phailêng Bial Kohran Hmeichhia	₹	5,000
5. Pu Lalramena Râltê, Durtlâng Dâwrkâwn	₹	1,000
6. Pu Lalsânglûra, Durtlâng Mèl - 5	₹	1,000
7. Pu Saingûra Sailo, SL, Saijo Pharmacy	₹	1,000
8. Kawrthah North Kohran Pavalai Pâwl	₹	1,000
9. Pu C. Vânlina, Sakawrtichhûn	₹	1,000
10. Kolasis Electric Vêng Kohran Hmeichhia	₹	5,000
11. KTP Br., Khatla East	₹	5,000
12. Pu Lalnunsânga, Durtlâng Dâwrkâwn	₹	800
13. Lungdai Presbyterian Kohran	₹	1,000
14. P.C Girls School, Mission Vêng	₹	13,000
15. J.L. Pharmaco, Bâwngkâwn	₹	2,500
16. Zodinsânga, Zârkawt	₹	3,500
17. KTP, Kolasis Vênglai Bial	₹	30,000
18. Khawzawl Vêngthar Kohran Hmeichhia	₹	3,000
19. KTP, Lêngpui Bial	₹	5,000
20. Upa H.Tiângkûnga te chhûng, Tachhîp	₹	1,000
21. Zoramchhana S/o F.Malsâwma, Châltlâng Bethel	₹	500
22. K.Lalbeiseia S/o K.Lalrinliana, Kolasis Hmâr Vêng	₹	1,500
23. KTP, Dinthar Branch	₹	4,650
24. Mistiri Association, Durtlâng	₹	2,000

II. THISEN PE TE

1. KTP, Chhiahtlâng Bial	33 Units
2. KTP, Thakthîng Vêng Branch	20 Units
3. KTP, Chawnpui Vêngthiang Branch	19 Units
4. KTP, Pângbâlkâwn Bial	31 Units
5. KTP, College Vêng Branch, Aizâwl	38 Units
6. KTP, Zotlâng Branch, Aizâwl	26 Units
7. KTP, Chawlhmun Branch, Aizâwl	22 Units
8. KTP, Bâwngkâwn Bethel Bial	31 Units

PEK ZÂT

33 Units
20 Units
19 Units
31 Units
38 Units
26 Units
22 Units
31 Units

III. THIL DANG PE TE

1. KTP, College Vêng Branch, Aizâwl	ICU tân Gown 3 leh awmpuitute hman tûr chhuar
2. VTR Computer Center, Khatla	Network cable line tester 1 leh C-mos battery 7
3. KTP, Zonum Bial, Aizâwl	Steel Almirah (Rs 9,000/-)
4. Kohran Pavalai Pâwl, Kulikâwn	Compound sâmfain mi 21 an thawk.
5. Pu Char Suba, Keifâng	Thutthlêngsei 2
6. Keifâng Hnamdang Branch Church	Thisen chaw khaina 20
7. Emanuel Furniture Works, Keifâng	Thisen chaw khaina 4
8. Pûkzing Bial Kohran Hmeichhia	Thutthlêngsei 6
9. KTP, Phûlungsei Bial	Thutthlêngsei 2
10. Kohran Pavalai Pâwl, Sihmui	Thutthlêngsei 4
11. Khatla Kohran Hmeichhia	Ortho Ward tân Fridge (Samsung 255 lts).
12. Pu K. Sâpdanga te nupa, Aizâwl Vênglai	Grace Home tân Suction Machine 2 leh Steamer 1
13. KTP, Armed Vêng Bial	Lawmna Ward-a hman tûr Suction Machine lei nan Rs. 18,000/-
14. Pi Lalzîkpuii (NS, Rtd.), D/o Pu Nghâka,	Pu Nghâka Award for Best Medical & Surgical and Nursing (Theory & Practical) lăwmman Rs. 80,000/- leh Student Nurses' Hostel Recreation tihchangtlunna atân Rs. 50,000/-
15. Pu Bualhranga te nupa,	Hospital Chapel sakna atân Rs. 18,000,000/- (2nd Installment atân)

Khawngaihna leh duhsaknaa thilpèk min petute zawng zawng hnênah Lalpa Isua Krista hmingin lăwmthu kan sawi tak meuh meuh a ni. Hêng in thilpèk kan dawnte hian damlo awm man harsate thlu-muang takin a awmtîr a, Hospital mamawh tam tak min puhruksak bawk a ni.

Sd/- REV. R. RAMDINMAWIA
Chaplain, Synod Hospital, Durtlâng

Phêk 2-na chhunzawmna...

IV. Evangelist

1. K. Lalrangbawli	K. Pakûnga	Hlimen
2. J. Lalremruata	Upa J. Lalnundanga	Saitual, Chhim Vêng
3. K. Vânlalhruii	K. Lalneihluanga	Keifâng
4. P.C. Vânlalhruii	P.C. Lalchuaailova	Chhippui
5. Marina Lalrinpuii	Lalrongûra	Tlângnuam, Aizâwl
6. C. Lalmuanzuala	Lalduhthanga	Mission Vêng
7. Lalrosânga Hauhâr	H. Thlengliana (L)	Khawruhlian, Vêngthar
8. Ramthangliana Fânai	Râldoliana	Bethlehem Vêngthlang
9. J. Zosângliana	Lalfakzuala	Dinthar-I
10. K.C. Lalhimpuia	K.C. Lalzauva	Chhingchhîp, Mualpui
11. Lalhmanghaisângi	Lalthanmawia	Thingsûl, Tlângnuam
12. Lalneihluangi	F. Thangleha	Chhinga Vêng
13. Emily Lalnunluangi	Rinchungnunga	Châltlâng Vênglai
14. Lalropuii Râltê	Lalthangmawia Râltê	Lungsum
15. Lucy H. Lallăwmawmi	H. Lalhmingliana	Edenthâr, Aizâwl
16. R. Esther Lalramthanmawii	R. Vânlalchhanhima	Edenthâr, Aizâwl
17. C. Ngaihkimi	Râltâwna	Mîmbung
18. Jenny Lalhruiikimi	Ngûrthanga	W. Phailêng
19. Kitty Lewis Lalflanmawii	Vânlalchhandama	Chânmarî West
20. Lalmunkima	Shyam Kumar	Lallen
21. Melody Lalhruiipuii	Hauthanglûra	Tlungvêl Vêngthar
22. Hmingthansânga	Upa C. Lalnunluanga	Tawipui North-II
23. Lalliansânga	Lokhimoni	Tuichawng
24. Lalnunfeli Renthlei	Lalhruiata (L)	Mamit Vêngthar
25. Lalhanpuii	Upa Ropianga	Khawruhlian
26. Ras Ghandhi Ushoy	Upa R.S. Ushoy	Persâng
27. Vânlalbêla Pachuau	P.C. Lalrodinga	Tlungvêl Field Vêng
28. Vânmalsâwma Hnamte	Lalkhumthanga Hnamte	N. Vânlaphai
29. C. Lalawmpuia	C. Vânlalmawia	Ramhlun South
30. Lalchhanchhuaha	Lalhnaiia	Saitual Chhim Vêng
31. C. Lalruatkimi	C. Malsâwmtluanga	Châltlâng
32. Henry Lalmanpuia	S.B. Kûnga	N.E. Khawdungsei
33. K. Lalmuanawmi	K. Thankhuma	Khawhâi



FÂRKÂWN BRANCH KÏP: March 22, 2017 hian Fârkâwn Branch KÏP chuan an Branch dinchampha kum 60-na (Diamond Jubilee) lawm an tum a. Fârkâwn Branch Kristian Thalai Pâwl member lo ni tawh zawng zawngte he hun hmanpui tûr hian an sâwm a ni.

REVIVAL COMMITTEE HMACHHAWP

Synod Revival Committee chuan kum 2017 hma lâkna tûr hmachhawp hrang hrang a nei a, chûngte chu-

1. Revival Speakers Residential Training: March 15-17, 2017 chhûngin Synod Conference Centre-ah emaw, SMTC-ah emaw buatsaih a ni ang a, thupui panga zir ho tûra ruahman a ni.

2. Kohhran Pavalai Pâwl Meet: May 20&21, 2017 khian neih tum a ni a, a hmun tûra tin zâwn deuh Kohhran dâwr mêk a ni.

3. Revival Meet: June 24 & 25, 2017 khian hman tûra ruahman a ni a, a hmun tûr la tihchian a ni ang.

4. Ram pum huap beihpui: Ram pum huap beihpui atâna budget dah a nih angin beihpui kalpui dân tûr ruahmanna siam tûrin mi palî ruat an ni a; ram pum tuam chhuak tûra beihpui thlâk tum a ni a, Bial leh kohhran mal pawh a tûl anga la inhriattûr a ni ang.

Synod Revival Camping Centre, Neihbawi pawh tihchangtlun zêl a ni a, ceiling siam ngaite siam zawh a nih tawh bâkah power supply awm loh thulha hman tûr Electric Power Generator lian 20KVA, ₹ 6,29,200 sêngin bun a ni ta. Camping Centre hmun hi Camping buatsaihna tûra duan a nih avângin thil chi hrang hrang a nih dân tûr ang deuh thlapa siam a ni a, a hmangten an zawngchhang hle. Hmang duh chuan Synod Revival Director-ah hman duh huna a remchân dâwn leh dâwn loh biak lâwk a ngai.

Hêngte hi Synod Bookroom-ah lei tûr a la awm a, lei tum tân ngaihaven ran a thâ ang.

Thupuan Hrilhfiahna	₹ 100
Nilai leh Beihruat Thupui	₹ 120
Synod Kalendar (Keu chi)	₹ 50
Synod Kalendar (Phek khat)	₹ 20

KUM 2016 KRISMAS LEH 2017 KUMTHAR SYNOD PRISON MINISTRY HUN HMAN DÂN REPORT TAWI

25.12.2016 Krismas Ni (Central Jail)

- Hun hmanga kal zawng zawng te mi 40. Chûngte chu - Rev Lalzuithanga, Synod Moderator, Chânmari Pastor Bial Zaipâwl, Chânmari Pastor Bial KÏP hruaitute, Upa leh zaithiam te an ni. Open Air ah Silpaulin zâra pâwn lama hun hman a ni
- Hun hman dân - Chawhma inkhâwm hi SPM i/c Pastor-in a kaihrui a, Chânmari Pastor Bial KÏP hruaitu hnên aţangin thuchah tawi ngaihlhâk a ni a. Zaipâwlho hian Praise & Worship hun hman a ni. Chawhnu lamah Rev Lalzuithanga, Moderator-in thuchah nung takin a sawi a. Chânmari Pastor Bial Zaipâwl leh NI. Zoremi Râltê te an zai bawk.
- Chawhma leh chawhnu inkârah hian lêngkhawm te, fellowship te a hun hman a ni.
- Tlaiah Krismas ruai hlim takin kan kîl bawk.

26.12.2016 Ruai Ni- District Jail, Aizâwl

- Hun hmanga kal zawng zawng hi mi 29 kan ni a. Chûngte chu Rev Lalzuithanga Moderator te, Synod Choir te kan ni.
- Hun hman dân - Chawhma inkhâwmah hian Rev. Lalzuithanga, Moderator-in thuchah a sawi a. Chawhnu inkhâwmah Rev. R.Lalvulluaia i/c SPM in thuchah a sawi.
- Chawhma leh Chawhnu inkhâwm kârlakah Fellowship hun hman a ni a. Boruak a zângkhain a nuam hle.
- Tlaiah ruai tui tak theh a ni

01.01.2017 Kumthar Ni - District Jail, Aizâwl

- Hun hmanga kalte hi kan vaiin mi pathum (3) kan ni a; chûngte chu - Upa C. Ngûrthantluanga te, NI Lalremsiami (Nunui), Member, Synod Choir Soloist leh Pastor te kan ni.
 - Chawhma leh chawhnuah hian Upa C. Ngûrthantluangan Pathian thuchah a sawi a.
 - Chawhnu inkhawm ah thuhrlituin sawmna a siam a, jail tângte zing aţangin mi 18 laiin sâwmna an chhâng a, a lâwmawm hle, Lalpan a hmu leh ta. Sâwmna chhângtute, a sipai thâ tak ni tûra Lalpan a awmpui zêl theih nân i tawngtaipui ang u.
 - Krismas leh Kumthar Jail tângten hlim taka an hman theih nân thilpêk Synod Prison Ministry ten hetiang hian kan dawng -
- | | | |
|-------------------------------|---|-------------|
| 1. Chânmari Kohhran | - | ₹ 20,000.00 |
| 2. Khatla Kohhran | - | ₹ 5,000.00 |
| 3. Upa F. Lalremsiama, Khatla | - | ₹ 2,000.00 |

SYNOD BUATSIAH CAMPING

Synod Revival Committee chuan kum 2017 chhûnga Synod Revival Camping Centre-a Camping buatsaih hun tûr leh mawphurtu Bial hetiang hian a ruat:-

Month & Date	Speaker	Team hming	Mawphurtu Bial
Feb. 14-18, 2017	Upa L.H. Rohmingliana	Evangelistic Team	Luangmual
March 7-11, 2017	Upa Lallâwmsânga	Agape Gospel Team	Chânmari
April 11-15, 2017	Upa C. Sângkhûma	Râl Vêngtu Team	Kulikâwn
May 9-13, 2017	T. Upa R. Lalhruaimawia	Kraws Fate Team	Khatla
June 6-10, 2017	Pu Lalthantluanga	Krista Thuhrlitu Team	Zemabâwk 'N'
July 4-8, 2017	Pu C. Lalênga	Hunter for Christ	Tuikual
Aug. 8-12, 2017	Pu Lalthanmawia	Krista Hmangaih Team	Chawnpui
Sept. 5-9, 2017	Pu Laltindâwla	Pathian Thurûk Enkawltu	Bethlehem
Oct. 10-14, 2017	Pu Lalsângzuala Ngêntê	Ebenezer Revival Team	Durtlâng
Nov. 7-11, 2017	Upa C. Lalchullova	Gospel Logos Team	Châltlâng
Dec. 5-10, 2017	Pu V. Thanghuama	Gospel Herald Team	Ramhlun 'N'

Mawphurtu Bial hnênah hian Camping Manager kal tlangin Camping buatsaihna ₹ 1,20,000 thleng pêk theih a ni a; Camping hlawhtling tak a nih ngei theih nân Revival Committee chuan Kohhran mite tawngtaipui thîn tûrin a ngên a ni.